

Z126.1
1
24

毛詩注疏

目錄

毛詩正義序

詩譜序

毛詩譜

毛詩原目

毛詩注解傳述人

卷一

國風

周南

卷二

國風

召南

卷三

國風邶

卷四

國風鄘

卷五

國風衛

卷六

國風王

卷七

國風鄭

卷八

國風齊

卷九

國風魏

卷十

國風唐

卷十一

國風秦

卷十二

國風陳

卷十三

國風檜

卷十四

國風曹

卷十五

國風幽

卷十六

小雅鹿鳴之什

卷十七

小雅南有嘉魚之什

卷十八

小雅 鴻鴈之什

卷十九

小雅 節南山之什

卷二十

小雅 谷風之什

卷二十一

小雅 甫田之什

卷二十二

小雅 魚藻之什

卷二十三

大雅

文王之什

卷二十四

大雅

生民之什

卷二十五

大雅

蕩之什

卷二十六

周頌

清廟之什

卷二十七

周頌

臣工之什

卷二十八

周頌

閔予小子之什

卷二十九

魯頌

駟之什

卷三十

商頌

那之什

毛詩注疏卷八

漢鄭氏箋

唐陸德明音義

孔穎達疏

國風

齊

原雞鳴思賢妃也。哀公荒淫怠慢。故陳賢妃貞女。夙

夜警戒相成之道焉。

音義

如。芳非反。慢。武諫反。警。居領反。本又作敬。音同。

疏

正義曰。作雞鳴詩者。思賢妃也。所以思之者。以哀公荒淫女色。怠慢朝政。此由內無賢妃。以相警戒。故也。君子見其如此。故作此詩。陳古之賢妃貞女。夙夜警戒於夫。以相成益之道焉。二章章首上二句。陳夫婦可起之禮。下二句。述諸侯夫人之言。卒章皆陳夫人之辭。以哀公荒淫。故夫人與戒君子。使不畱色怠慢。故陳人君早朝。戒君子使不惰於政事。皆陳與夫相警戒相成之事也。云荒淫者。謂廢其政事。淫於女色。由

淫而荒。故言荒淫也。賢妃即貞女也。論其配夫。則爲賢妃。指其行事。則爲貞女。所從言之異耳。相成者。以夫妻爲耦。義在交益。妻能成夫。則妻亦成矣。故以相成言之。車牽思得賢女。乃思得其人以配王。此思賢妃。直思其相成之道。不言思得其人。作者之意異也。

雞既鳴矣。朝既盈矣。

傳

雞鳴而夫人作。朝盈而君作。

義

云。雞鳴朝盈。夫人也。君也。可以起之常禮。匪雞則鳴。蒼

蠅之聲。

傳

蒼蠅之聲。有似遠雞之鳴。

義

云。夫人以蠅聲

爲雞鳴。則起早於常禮。敬也。

言義

朝直遙反。注下。皆同。蠅餘仍反。

正義

曰。以哀公荒淫怠慢。無賢妃之助。故陳賢妃貞女警戒其夫之辭。言古之夫人。與君寢宿。至於將旦之時。乃言

曰。雞既爲鳴聲矣。朝上既以盈滿矣。言雞鳴而起。欲令君以之節。言朝盈。道君可起之節。已以雞鳴而起。欲令君以

朝盈而起也。作者又言。夫人言雞既鳴矣之時。非是雞實則鳴。乃是蒼蠅之聲耳。夫人以蠅聲爲雞鳴。聞其聲

而卽起。是早於常禮。恭敬過度。而哀公好色淹留。夫人不戒令起。故刺之。**傳**正義曰。雞鳴而夫人作朝。盈而君作。解夫人言此二句之意。以雞鳴而夫人可起。朝盈而君可起。二者是夫人與君可以起之常禮。故言之以戒君也。若然。雞鳴而夫人已起。於朝盈之時。夫人不在君所。而得言朝盈以戒君者。以雞鳴之後。未幾而朝盈。朝盈與雞鳴時節相將。以雞旣鳴。知朝將盈。故夫人於雞鳴之時。并云朝盈耳。非是知朝盈之後。復來告君也。朝盈謂羣臣辨色始入。滿於朝上。**箋**正義曰。常禮以雞實鳴而起。今夫人之在君所。心常驚懼。恆恐傷晚。故以蠅聲爲雞鳴。則起早於常禮。是夫人之敬也。書傳說夫人御於君所之禮云。太師奏雞鳴於階下。夫人鳴玉佩於房中。告去。則雞鳴以告。當待太師告之。然此夫人自聽雞鳴者。彼言告御之正。灋有司當以時告君。此說夫人相警戒。不必待告方起。故自聽之也。上句雞鳴朝盈并言之。此經不重述朝盈者。欲見夫人之敬。止須述謬聽雞鳴耳。不須重述朝盈也。何則。夫人以雞鳴而知朝盈。朝盈非謬聽。不假言之。

東方明矣。朝旣昌矣。

傳

東方明。則夫人纚笄而朝。朝已

昌盛則君聽朝

箋

云東方明朝既昌亦夫人也君也可

以朝之常禮君日出而視朝匪東方則明月出之光

傳

見月出之光以爲東方明

箋

云夫人以月光爲東方明

則朝亦敬也

音義

纓色蟹反何霜綺反

疏

正義曰上言夫人早起

東方既已明矣朝上既已盛矣言東方已明道已可朝

之節言朝既昌盛而朝也作者又言夫人言東方明而朝欲

令君以朝昌盛而朝也乃者又言夫人言東方明矣出

時非是東方明則實已明乃是月出之光耳夫人以月出

之光爲東方明見其明而即朝是早於常禮恭敬過度

今哀公怠慢晚朝而夫人不戒故刺之

二句亦陳夫人之辭東方明故夫人朝君朝既昌君可

聽朝上章夫人因已以雞鳴而起即言朝盈以戒君此

夫人因起以東方明時朝君即言朝既昌以戒君故亦

并言此二句也士昏禮注纓緇髮纓廣充幅長六尺笄

今時簪傳言夫人纓笄而朝首服纓笄以朝君案禮特

牲饋食及士昏禮皆云纓笄綃衣注云綃綺屬此衣染

牲饋食及士昏禮皆云纓笄綃衣注云綃綺屬此衣染

之以黑。其繪本名曰綃。則首服纓笄。必以綃衣配之。此以纓笄朝君。則當身服綃衣也。天官內司服。鄭注。差次服之。所用韠衣黃。桑之所服。展衣。以禮見王及賓客之服。祿衣。御於王之服。又追師掌王后之首服。爲副。編次。注云。副。所以覆首。服之以從王祭祀。編。編列髮爲之。服之以告桑。次。次第髮長短爲之。服之以見王。王后之燕居。亦纓笄總而已。凡諸侯夫人於其國。衣服與王后同。如鄭此言。則夫人以禮見君。當服展衣。御於君。當服祿衣。皆首服次。燕居乃服纓笄耳。此傳言纓笄而朝者。展衣以見君。祿衣以御君。鄭以周禮六服差次所用爲此說耳。非有經典明文。列女傳。魯師氏之母齊姜戒其女云。平旦纓笄而朝。則有君臣之嚴。莊二十四年公羊傳。何休注。其言與列女傳亦同。然則古之書傳。有言夫人纓笄而朝君者。毛當有所依據而言。未必與鄭同也。或以爲夫人纓笄而朝。謂聽治內政。案列女傳。稱纓笄而朝。則有君臣之嚴。謂朝於夫。非自聽朝也。此傳亦云。纓笄而朝。文與彼同。安得聽內政乎。宮內之政。蓋應寡耳。君於外政。尚日出而朝。夫人何當先君之朝而聽內政。且東方始明。君時初起。衆妾皆當朝君。夫人有何可治。而以東方旣明。便卽聽之。傳又言朝已昌盛。則君聽朝。

於君言聽朝。夫人言而朝。足知纓笄而朝君矣。上章言朝既盈矣。謂朝已有人。君可以起。此言朝既昌矣。謂盛於盈時。羣臣畢集。故君可以聽朝。朝昌謂日出時也。故箋云。君日出而視朝。玉藻文。

蟲飛薨薨。甘與子同夢。

傳

古之夫人配其君子。亦不忘

其敬。

箋

云。蟲飛薨薨。東方早明之時。我猶樂與子臥而

同夢。言親愛之無已。會且歸矣。無庶予子憎。

傳

會。會於

朝也。卿大夫朝會於君。朝聽政。夕歸治其家事。無庶予

子憎。無見惡於夫人。

箋

云。衆庶也。蟲飛薨薨。所以當起

者。卿大夫朝者。且罷歸故也。無使衆臣以我故。憎惡於

子。戒之也。

音義

薨。呼弘反。樂。音岳。又五敎反。且。七也反。沈子。餘反。朝。會之朝。如字。音張遙反。惡。

鳥路反。下同。於。夫之夫。音符。或依字讀。者。非。

疏

正義曰。上言欲君早起。此又述其欲早起之意。夫人告君

云。東方欲明。蟲飛薨薨之時。我甘樂與君臥而同夢。心
非願欲早起也。所以必欲合君早起朝者。以卿大夫會
聚我君之朝。且欲得早罷歸矣。無使衆臣以我之故。於
子之身加憎惡也。子謂君也。君若與我同臥。不早聽朝。
則事不速訖。罷朝必晚。衆臣憎君。是由我故。故欲令君
早起。無使見惡於夫人。刺今不能然。今定本作與子憎。
據鄭云。我。我是予之訓。則作與者非也。**傳**正義曰。以恭
敬之事。施於疏遠。其於至親。可以無敬。夫人樂與同夢。
相親之甚。猶尚早起早朝。雖親不敢怠敬。故云。古之夫
人配其君子。情雖至親。亦不怠敬。刺今夫人得與君子
相配。則怠敬晚興也。以親而猶敬。故言亦。亦疏遠也。**義**
正義曰。大戴禮。羽蟲三百八十。鳳凰爲之長。則鳥亦稱
蟲。此蟲飛薨薨。未必唯小蟲也。以將曉而飛。是東方且
欲明之時。即上雞鳴時也。**傳**正義曰。言會言歸。則是會
於朝。歸於家。故知謂卿大夫於朝旦之時。會於君朝。聽
政於夕。晚之時。歸治其家事。成十二年左傳曰。世之治
也。百官承事。朝而不夕。是於夕而不治公事。故歸治家
事也。云無見惡於夫人。夫人謂卿大夫。卿大夫欲早罷
歸。不得早罷。則憎惡君。是見惡於卿大夫也。**義**
正義曰。庶衆釋詁文。

雞鳴三章章四句

序還刺荒也哀公好田獵從禽獸而無厭國人化之

遂成風俗習於田獵謂之賢閑於馳逐謂之好焉

荒謂政事廢亂

音義

還音旋韓詩作旋旋好貌好呼報反厭於豔反又於占反本或

作饜音同止

疏

正義曰作還詩者刺荒也所以刺之也上好高編反者以哀公好田獵從逐禽獸而無厭

是在上既好下亦化之遂成其國之風俗其有慣習於田獵之事者則謂之爲賢閑於馳逐之事者則謂之爲好君上以善田獵爲賢好則下民皆慕之政事荒廢化之使然故作此詩以刺之經三章皆士大夫相答之辭是遂成風俗謂之賢好之事

子之還兮遭我乎徂之間兮

傳

還便捷之貌徂山名

箋

云子也我也皆士大夫也俱出田獵而相遭也竝驅從

兩肩兮。揖我謂我儂兮。**傳**從逐也。獸三歲曰肩。儂利也。

義云。竝併也。子也。我也。併驅而逐禽獸。子則揖耦。我謂

我儂。譽之也。譽之者。以報前言還也。**音義**獵乃刀反。說

齊。崔集注本作嘯。便捷。本亦作便旋。驅本又作駢。曲具

反。注下同。肩如字。說文云。三歲豕肩相及者。本亦作豸。

音同。又音牽。揖一入反。儂許全反。韓詩作嫵。**疏**正義曰。

音權。好貌。併步頂反。下文同。譽音餘。下同。國人以

君好田獵。相化成俗。士大夫在田相逢。歸說其事。此陳

其辭也。我本在田。語子曰。子之便捷還然。今當爾之時。

遭值我於獵山之間。於是子即與我竝行驅馬。逐兩

肩獸兮。子又揖耦。我謂我甚儂利兮。聚說田事。以為戲

樂。而荒廢政事。故刺之。**傳**正義曰。此還與下茂好昌盛

皆是相譽之辭。以其善於田獵。故知還是輕便捷速之

貌也。獵之所在。非山則澤。下言之陽。此言之間。則是山

之南山側。故知獵山名。**箋**正義曰。以報答相譽。則尊卑

平等。非國君也。然馳車逐獸。又非庶人。故知子也。我也。

皆士大夫出田相遭也。**傳**正義曰。大司馬云。大獸公之。

乾隆四年校刊

齊風